

---

Saksnr:	2021/7120-2
Saksbehandlar	Johanne Sognefest-Haaland
Dato:	01.06.2021

---

---

**Til:** Hovedutval for næring og fylkesutvalet

---

**Frå:** Direktør for Innovasjon og Næringsutvikling

---

## Resultat frå utlysing av BIO-midlar

12. april lyste Fylkesrådmannen ut 20 millionar til ordinære BIO-midlar og fagbrev på jobb. Dette var første av to planlagde utlysingar finansiert av dei 35 millionane som Vestland fylkeskommune fekk overført 06. april. Ekstraløyvinga kom gjennom ei pakke på 200 millionar til BIO i fylka vedteke i stortinget (ef. Kap. 572 i prop. 76 S).

Utlysing av ekstraløyvinga blei vedteke av fylkesutvalet 26.03.2021 (PS 54 /2021):

- 1. Fylkesutvalet gir fylkesrådmannen fullmakt til å lyse ut ekstraløyvinga til BIO vedteke av Stortinget 23.02.21.*
- 2. Fylkesutvalet vedtek at stønadsgrensa for BIO skal aukast frå 800 000 kroner til 2 millionar kroner.*
- 3. Fylkesutvalet vedtek at retningslinene skal opne for at midlane skal kunne nyttast til å ta fagbrev på jobb.*
- 4. Fylkesutvalet vedtek at BIO-midlane for interne opplæringstiltak kan meldast inn i GBER.*
- 5. Fylkesutvalet gir Fylkesrådmannen fullmakt til å revidere retningslinene for forvaltning av midlar til bedriftsintern opplæring i dialog med partane i arbeidslivet.*


Ved søknadsfrist var det registrert **135 søknader med eit samla søknadsbeløp på 45,1 millionar til ordinær BIO, og 44 søknader til fagbrev på jobb** (4,9 millionar). Dett gir eit samla søkt beløp på 50 millionar.

Saksbehandling av ordinære BIO-midlar blei gjennomført i regi av avdeling for innovasjon og næringsutvikling. Behandling av søknader til fagbrev på jobb blei gjennomført i regi av avdeling for opplæring og kompetanse.

I den vidare orienteringa vil det bli gjort greie for korleis BIO-midlane har blitt fordelt. Til saka er det også lagt ved resultat frå ei undersøking som gjekk ut til alle bedrifter som fekk tilskot i 2020.


## Søknader til ordinær BIO - utlysning 1 av 2 i 2021

Søknadene fordelte seg som følger over dei ulike næringane:



Industrien har sidan første utlysning hatt ein jamn straum med søknader til ordninga. I 2020 var det få søknader frå overnattings- og serveringsverksemdar, men no har situasjonen snudd. I den første utlytingsrunda i 2021 har denne næringa blitt den tredje største målt etter søkt beløp. Fylkeskommunen og NHO har arbeida aktivt med å mobilisere spesielt reiselivet til å søke, og det kan sjå ut som om arbeidet har hatt effekt.

Resultatet etter saksbehandling blei som følger:



## Søknader til fagbrev på jobb

Ved søknadsfrist var det registrert 44 søknader til fagbrev på jobb til ein prislapp på 4,9 millionar. I søknadsskjema for fagbrev på jobb fekk søkar spørsmål knytt til korleis dei har vore påverke av korona. Dei blei mellom anna spurt om tap av omsetnad, bruk av permitteringar generelt, og for den aktuelle kandidaten. 10 av søknadene kryssa av på minimum ein av dei oppsette kriteria (1 million). I tillegg var det 25 søknader som opplæringsavdelinga har vurdert til å kome frå bedrifter som er ramma av krisa, primært som følgje av utfordringar med å få tak i rett kompetanse (3 millionar).

## Fordeling av midlane

Grunna stor pågang til ordninga har Fylkesrådmannen i samråd med LO og NHO **innvilga 62 søknader til ordinære BIO-midlar til ein samla sum på 25 millionar og 2,3 millionar til fagbrev på jobb. Totalen blir 27,3 millionar.**

Midlane som strekker seg ut over dei 20 millionane som var løyvd i utlysinga, er finansiert delvis med midlar som var planlagt utlyst til hausten (5 millionar), og delvis med restmidlar frå 2020 (1,5 millionar). I sum gir dette eit underskot på om lag 800 000 kroner. I 2020 blei prosjekter for 1,5 millionar kansellert eller redusert i omfang (6 % av utdelte midlar). Dersom ein like høg del av midlane delt ut i 2021 blir tilbakeført kjem om lag 1,6 millionar til å bli tilbakeført (fagbrev på jobb ikkje medrekna). Fylkesrådmannen vil dekke inn underskotet med desse midlane.

Finansieringskjelder	
Utlyst pott BIO + fagbrev	20 000 000
Overført frå 2020	1 500 000
Overført frå neste planlagde utlysing (15 mill.)	5 000 000
<b>SUM Finansiering</b>	<b>26 500 000</b>

Finansieringsplan	
Innvilge ordinær BIO	- 25 011 438
Innvilge fagbrev på jobb	- 2 300 000
<b>Balanse ved tildeling</b>	<b>- 811 438</b>

Estimert tilbakeføring	1 600 000
<b>Estimert balanse etter 30 veker</b>	<b>788 562</b>